

壽陽縣志

871.4389

070

5

目錄

卷首

各圖

卷一

輿地志

沿革山川

疆域橋梁

村莊形勢

市鎮

卷二

建置志

城池驛站

關隘鋪遞

官署壇廟

倉廩寺觀

卷三

賦役志

田賦支解

丁徭鹽課

耗羨雜稅

卷四

學校志

學宮
學額

崇祀
學田

禮制
書院

樂制
義學

文籍

卷五

官政志

職官
政蹟

題名

卷六

武備志

營秩
糧餉

兵數
塘汛

軍器
兵氛

卷七

選舉志

進士
例仕

舉人
武科

各貢
封贈

薦辟

卷八

人物志上

鄉賢
孝義

文苑

卷九

人物志下
列女

卷十

風土志
歲時 風俗
物產 水利

卷十一

藝文志上
文

卷十二

藝文志下
詩

卷十三

雜志
寓賢 仙釋 封爵
古蹟 塚墓 祥異

壽陽縣志卷之六

武備志

營秩第一

並詳官政
志職官條

兵數第二

分防壽陽縣馬戰兵十九名

內把總一額
外委二

領騎官馬十

九匹步戰兵八十一名守兵四十一名

內分汛設防十
五處兵六十五

名

又乾隆三十五年撥樂平縣把總一員孟縣中社汛

兵十五名駐防太安鎮

軍器第三

額設馬兵盛甲十九頂副步兵盛甲一百二十二頂副

金蟒緞旗幟三堂腰刀一百三十口鳥槍六十杆帳房
二十九頂鑼鍋二十九口鐵鍬二十九張鐵鑊二十九
把鐵斧二十九把鐵鏟二十九把風匣二十九個水帶
州志作二十九條百子砲四位火藥一萬二千七百觔
水袋 每屆五年出陳易新鎗砲鉛彈四千六十五觔三兩每
屆三年出陳易新官兵自備箭二千六十枝

糧餉第四

守備養廉銀二百兩把總養廉銀九十兩外委養廉銀

一十八兩

武職舊無養廉各占食馬步守兵名糧有差乾隆四十七年裁汰名糧改設養廉按州

志外委把總給八品頂戴仍食本身馬糧加給步戰糧各一分額外外委給八品頂戴仍食本身馬糧

馬兵一名每歲支餉乾豆草折銀三十二兩五錢五分
本色豆一石七斗八升八合米三石六斗步兵一名每
歲支餉銀一十八兩本色米三石六斗守兵一名每歲
支餉銀一十二兩本色米三石六斗

塘汛第五

縣東路曰七嶺汛西至縣治十里東至芹泉汛十里曰
芹泉汛西至縣治二十里東至張淨汛十里曰張淨汛
西至縣治三十里東至平定州辛店汛十里縣西路曰
黃門汛即舊志狄那汛東至縣治十里西至大樹堙汛十里曰
大樹堙汛東至縣治二十里西至清平汛十里曰清平

汾東至縣治三十里西至黃楊鋪汛十里曰黃楊鋪汛

即王東至縣治四十里西至太安驛汛十里曰太安汛

東至縣治五十里西至西嶺汛十里曰西嶺汛東至縣

治六十里西至要羅汛十里曰要羅汛東至縣治七十

里西至榆次縣界牌八里東西驛路共塘汛十處每處

設墩臺望樓牌坊各一營房十間兵五名又僻汛五處

曰宗艾曰葭榆河曰黃嶺曰段王曰胡家堙每處兵三

名無營房墩臺

乾隆三十五年知縣龔導江詳部於太安汛添建營房三十七間撥樂平縣把

總一員孟縣中社
汛兵十五名駐此

舊志縣東路五墩芹泉張淨西寨苗家崗霍家嶺縣

西路十墩狄那大樹清平王强西嶺要羅虎頭崖羊
圈腦棗坡車壑腦縣西北路四墩宗艾中可西可黃
嶺縣東北路三墩謝家腦寺莊山底塘汎共二十二
處今或廢或移存其舊名於此

演武場在西關外二里許

兵氛第六

晉永嘉六年冬十月代公猗盧遣其子六修帥衆數萬
爲前鋒自帥二十萬繼之劉琨爲鄉導攻晉陽與劉曜
戰於汾東曜兵敗墜馬中七鎗夜踰蒙山而歸猗盧追
之戰於藍谷漢兵復大敗伏尸數百里猗盧因大獵壽

陽山陳閼皮肉山爲之赤

平定州志注壽陽山今陽曲縣東山非今之壽陽有辨詳

山川條蒙山下按陽曲縣東山卽今壽陽界其辨蒙山極是辨此恐不足據

唐乾符五年昭義帥李鈞與沙陀戰於岢嵐之沙谷敗

死還至代州士卒擄掠州民殺之殆盡餘衆自鴉鳴谷

走歸上黨

方輿紀要引

光化二年朱全忠遣氏叔琮破遼州至於榆次晉周德威戰於洞渦河敗之

石晉天福九年契丹入犯南至黎陽別遣兵入燕門寇

太原劉知遠敗之於秀谷乃自鴉鳴谷遁去

方輿紀要引邑乘

補遺云此條及唐乾符五年條所稱鴉鳴谷似皆於陽曲孟縣相接之地爲近然走歸上黨則壽陽爲近存以

待考

天福十二年契丹以出帝重貴北去劉知遠自將東迎
故主至壽陽聞已過數日乃留兵戍承天軍還晉陽
後周建德六年壽陽劉叔仁作亂上儀同三司楊文思
嘗從拔晉州命清河公宇文神舉討之戰於塹井在陣
生擒叔仁又別從王誼破賊於鯉魚柵十二月己未東
壽陽土人反率衆五千襲并州城刺史東平公宇文神
舉討平之

依山西
通志補

宋開寶元年李繼勲征太原與北漢戰於洞渦河大破
之九年十月庚子鎮州巡撫郭進焚壽陽縣俘九千

人依山西通志補

靖康元年金將粘沒喝使銀朮可圍太原

攻破旁縣詔种師中由井陘道引兵救之師中進次平

定乘勝復壽陽榆次等縣

山西通志復壽陽係四月事

回屯真定宰

相許翰責以逗遛師中不得已進兵五月辛未抵壽陽

之石坑金將完顏活女襲師中師中五戰三勝回趨榆

次金益兵圍之至殺熊嶺兵潰師中戰死

邑乘補遺云按五月辛未

師中以兵出井陘癸酉乃敗於殺熊嶺

錢之青榆次縣志云石坑在宋時爲平定驛路其遺戍贖堠猶有存

者种師中爲金人所襲五戰三勝卽是其處今爲沛霖

村因乾隆二年知縣王有德禱雨而得乃易此名又云

殺熊嶺距縣十里宋制

置使种師中敗於此

按舊志云殺熊嶺蓋卽今要羅山石坑則無考疑卽

石窖村此說誤石窖在壽陽之北與此甚遠若石坑則宋時屬壽陽今屬榆次所謂沛霖村者是也至於殺熊嶺則壽陽要羅山以南榆次王胡以北可以通名之然觀欽宗制詞及劉韜論奏皆以爲榆次之敗則謂在王胡者爲是

錄邑乘補遺

金銀尤可圍太原宋統制劉臻救太原率衆十萬出壽陽婁室擊破之繼敗宋兵數千於榆次後蒲察降壽陽

依山西通志補

金興定元年无兵攻太原下之金晉陽公郭文振署趙

益爲壽陽令駐兵榆次遂收復太原

按趙益見題名條舊志此作趙蓋誤

元太祖辛巳三月金兵攻壽陽王胡莊

按王胡莊在縣西六十里見村

莊垂破時太原城中卒不滿百都元帥哈喇拔都夜半

引甲騎十餘人救之道三交見金兵舉烽東西兩山哈

喇拔都趨之大戰天將明金兵遁去擣太原之虛由西

門俘獲哈喇拔都家屬哈喇拔都聞之徑趨西山復奪

以還

依山西通志補

明正德九年冬十月蒙古兵南下蹂盂之方山等村至

壽陽黃嶺界而還

嘉靖二十年秋八月蒙古大入屠壽陽丁口數萬甚且

族滅無遺掠去牲畜無算

按山西通志時有白鳥隨之人異焉

崇正二年流寇混世王一斗殺等掠至縣之長榆諸村而還 六年復掠至古城等村督撫都御史吳牲遣副總兵曹文詔率兵掩擊大敗之獲首級無算 六年正月臨洮總兵曹文詔追擊之斬混世王於碧霞村餘黨爲猛如虎逐走遇文詔兵方山復敗又與陳國威馬杰破來遠寨從文詔大破賊范村國威以步卒三百夜擊賊紅山嶺如虎杰及虎大威和應詔擊殺九條龍依山志補 按平定州志崇正六年正月臨洮總兵曹文詔敗賊孟縣追及於壽陽六月斬混世王於碧霞村通志兩書六年而書正月於後六年之下蓋誤

接碧霞村當在壽陽今未知處所范村恐非壽陽之

范村據曹文詔傳當是太谷范村

文詔傳云文詔連敗賊太谷范村榆

社

又按猛如虎傳崇正五年擊邢紅狼於高平解其

圍明年敗賊壽陽黑山覆姬關鎮軍已從曹文詔追

賊西偃碧霞村斬混世王與頗希牧逐賊壽陽東又

與陳國威馬杰破來遠寨從文詔大破賊范村

錄邑乘補

遺 三立關史抄崇正間經略孫傳廷追剿流寇混

世王一斗穀從襄榆河上方山由東馬頭下斬於碧

霞村邑人溫晉昌云方山東馬頭南無所謂碧霞村

惟有翟家下莊亦名北下莊疑霞與下音相近而偶

譌村與莊義相同而互易也按翟家上

莊北有敗陣溝或卽以此事而名與

十六年冬十二月七日判將白光木率衆由黃嶺抵宗

艾次日官兵追之未及鎮二里許至婁家坪爲賊伏兵

所敗死者枕藉次日復追至縣南賈卜坪大戰官兵復
敗掠去婦女性畜無算

按村莊條賈
卜作賈豹

按壽陽爲太原并陘往來孔道凡由太原而東由并
陘而西者路必經此人第知漢淮陰侯擊趙曾經過
於此不知前後之過此者甚多今從顧祖禹方輿紀
要錄其略云趙武靈王二十年使趙希并將胡代趙
與之陘蓋并將胡代趙之兵與諸軍向并陘之側也
始皇十八年王翦攻趙下并陘三十七年始皇死行
遂從并陘抵九原二世二年趙王武臣使李良略太
原至石邑秦兵塞并陘未能前漢三年命韓信張耳